

Semináriu bá Loron Mundiál Feto Rurál

Díli, 15 Outubru 2008

S.E. Presidente Parlamentu Sr. Fernando La Sama de Araújo
S.E. Primeru Ministru Sr. Kay Rala Xanana Gusmão
Excelência Membru Governu Tomak
Distintu Deputadu
Korpu Diplomátiku
Reprezentante Feto husi Distritu no
Ilustre Konvidadu mak hau respeita
Hau nia Bom Dia no Benvindu bá ita Bo'ot sira hotu.

Ohin hau sente haksolok tanba bele halibur ita hotu-hotu iha fatin ne'e atu partisipa iha seminariu ida ne'ebé halo atu selebra Loron Internasionál Feto Rurál.

Tinan-tinan iha 15 Outubru, mundu tomak selebra Loron Internasionál Feto Rurál hodi hanoin oinsa feto mós iha papel importante ida bá dezvoltimentu nasaun nian. Timor-Leste nudar nasaun membru ONU nian no estadu parte Konvensaun Halakon Forma Hotu-Hotu Diskriminasaun Hasoru Feto (CEDAW), iha mós responsabilidade no devér atu selebra Loron Internasionál Feto Rurál.

Tema internasionál bá tinan ida ne'e maka **“Feto iha Dezenvolvimentu”**. Liafuan dezvoltimentu hanesan prosesu ida, hahalok ka asaun ne'ebé atu hadi'ak, haburas liu-tan moris ema nian iha vida sosiál, ekonomía, polítiku, no kultura iha sosiedade ida nia laran. Báinhira ita koalia bá dezvoltimentu fíziku maibé iha mós dezvoltimentu umánu hanesan formasaun kultura ho intelektual, formasauun profisional, etika moral no mós dezvoltimentu psikiku hanesan ema bele moris hakmatek, ho dame, ho fiar an rasik no ho esperansa. Ida ne'e hau tenke subliña setór seguransa hanesan setór importante ida bá dezvoltimentu psikiku ema nian.

Iha mundu rai klaran modelu dezvoltimentu ni nível dezvoltimentu la hanesan. Timor-Leste nian nível dezvoltimentu la hanesan ho rai seluk. Ita hotu hatene katak Timor-Leste foin sai husi nakukun laran hodi hetan ninia independénsia *de jure* no *de facto* iha tinan 2002, foin tinan nen (6) resin.

Koalia kona-ba dezvoltimentu iha Timor-Leste, uluk nanain ita tenke hanoin lai persentajen populasaun feto no nane Timor-Leste nian. Feto Timor-Leste besik 50% tuir Sensu 2004 ne'ebé ita nia estatística hatudu. Ida ne'e katak báinhira ita koalia kona-ba dezvoltimentu ita tenke hanoin bá mane ho feto nia knaar. Feto sira mós iha knaar importante ida iha prosesu dezvoltimentu nasaun nian. Bainhira feto sira hanesan metade populasaun la partisipa iha dezvoltimentu maka Timor-Leste sei lalika mehi atu hetan dezvoltimentu. Dezvoltimentu nasaun nian so bele hetan báinhira 100% husi populasauun partisipa ka envolve iha prosesu dezvoltimentu ne'e.

Ita nia Lei Inan RDTL, iha nia artigu 17 garante ona igualdade entre feto no mane. Timor-Leste mós ratifika tiha ona CEDAW iha 2002. Nune'e loron ida ohin, hanesan momentu di'ak atu fó hanoin fali bá ita nia kompromisu rua iha leten ne'e liu-liu bá Artigu 14 CEDAW nian ne'ebé koalia kona-ba feto iha área rurál sira ne'ebé ohin ita selebra dau-daun sira nia loron. Artigu 14 fó hanoin bá nasaun membru CEDAW nian atu haré problema spesífiku ruma ne'ebé feto sira iha área rurál hasoru no sira nia knaar signifikante iha vida ekonomía atu hamoris sira nia família, nune'e mós servisu sira ne'ebé iha setór privadu ekonomía nian, no tenke hola medidas loloos atu garantia aplikasaun lei husi Konvensaun ida ne'e bá feto sira iha área rurál. Artigu 14 ne'e mós fó hanoin bá nasaun membru sira atu hola medidas loloos atu halakon diskriminasaun bá feto sira iha área rurál, atu nune'e garante igualdade entre feto no mane iha partisipasaun bá dezvoltimentu rurál no hetan benefísiu husi ne'ebá, liu-liu garanti feto sira nia direitu.

Ita hotu hatene katak Timor-Leste nia feto sira iha área rurál sei moris iha kiak nia laran,

analfabetizmu sei maka'as, asesu bá saúde, bá be mós, bá edukasaun, informasaun sei falta teb-tebes. Maske IV Governu Konstitusionál haka'as-an duni, hatudu duni nia vontade bo'ot atu haburas dezvoltamentu, atu hadi'ak vida moris populasaun Timor-Leste tomak nian, ita tenke rekoñese katak buat barak tan maka sei prezisa atu halo. Ita sei dook tebe-tebes atu alkansa 100% dezvoltamentu nasaun ne'e nian. Ita nia fetu iha área rural barak maka servisu iha agrikultura maske balun hahú dau-daun ona fiar an hodi hakiak animal, halo tijolu/fábrica ruma.

Atu garantia direitu fetu ho mane hanesan papel importante no ohin ita halibur malu iha fatin ida ne'e atu haré produktu lokal ne'ebé mai husi fetu rasik oinsa maka ita bele servisu hamutuk atu promove produktu hirak ne'e hodi hasae qualidade ne'ebé di'ak hodi bele kompete iha mundu internasionál.

Hanesan ita hotu hatene katak foin dau-daun iha lora 7 fulan Outubru Parlamentu Nasionál hahú halo abertura bá selebrasaun Lora Internasionál Fetu iha sesaun plenária espeisial iha uma fukun Parlamentu Nasionál ne'e hatudu sinal positivu katak orgaun soberanu hotu hakarak atu promove igualdade jéneru ne'ebé kontribui bá implementasaun política abordajen integrada jéneru hanesan asaun ida tuir deklarasaun Díli Kompromisu katak Parlamentu, Governu, Sociedade Sivil, Instituisaun Relijiozu hotu sei halo promosaun bá igualdade jéneru.

Nune'e seminariu ne'ebé agora ita atu halo, sei sai momentu determinante ida atu ita hotu halibur ita nia hanoin, ita nia esperiênsia, hametin ita nia kompromisu atu oinsa bele hetan estratéjia no planu di'ak ida hodi dezvoltave liu-tán fetu maluk sira iha área rural. Hau fiar katak seminariu ida ne'e, ne'ebé bele halibur orador nain hira maka ho ida-idak nia matenek no esperiênsia bele sai duni oportunidade ida atu garantia partisipasaun fetu hotu-hotu liu-liu fetu sira iha área rural, nian partisipasaun iha prosesu dezvoltamentu tomak. Fetu Timor-Leste tenke sai nuudar ajente no beneficiariu bá dezvoltamentu nasaun ne'e nian.

Aproveita mós tempu ida ne'e atu fó hanoin bá ita bo'ot sira hotu katak kona-ba atividades bo'ot ne'ebé ita sei halo bá Lora Internasionál Fetu Rural ne'e primeira vez maka hanesan; seminariu, sei halo abertura Feira Nasionál Fetu nian, hanesan FIAR-Fetu Fiar-An Rasik, iha debate espeisial SEPI, Artista Indonesia ho entidades oin-oin iha TVTL, iha mós fund rising iha Hotel Timor atu ajuda vítima violênsia bazeia ba jéneru orsida tuku nen, iha Estadion Díli sei iha konsertu muzikal ida. Hau hein ho fiar, ita hotu-hotu nia partisipasaun no prezensa hodi fó animu bá populasaun tomak iha eventu ida ne'e. Hau hatene katak fetu barak iha área rural seidak hatene lora ida ne'e tanba ita foin selebra lora ne'e bá dala tolu, hodi nune'e husu ita bo'ot sira atu akompaña atividades ne'ebé halao husi distritus no mós nasaional liu husi rádio no televizaun.

Fetu sira husi distrito sira mós selebra Lora Internasionál Fetu Rural hanesan estratéjia ida atu promove dereitu fetu hanesan mós direitu umánu no oinsa maka ema hotu fó importánsia bá asuntu fetu tanba ne'e laos asuntu fetu nian mesak.

Ikus liu, hau nia parabéns, felisidade no dezeju bá fetu Timor-Leste espeisialmente bá fetu sira iha área rural ohin ita bo'ot nia lora tanba ne'e hau husu ita bo'ot atu hola parte iha lora ida ne'ebé signifkativu tebes bá ita.

Obrigada bá ita hotu nia atensaun.